



Орган Лемковского Союза

Пренумерата в краю:
30 грошей місячно,
80 „ квартално,
1.50 „ полрочно,
3 зл. рочно.
В Америкі: 1 дол. рочно.
В Чехословакии:
2 кор. місячно, 10 кор. полрочно,
20 кор. рочно.
Ціны оголошень:
Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошення малы за 1 мм. 20 гр., в тексті 30 гр., перед текстом 40 гр. При місячном и долгом оголошеню значна знижка.
Контото чекове Нр. 404.155.

Выходит в каждый четверг.

Редакция и администрация в Крыниці. — Адрес „Лемко“ Крыница.

Ище ест на складі иллюстрованный календар „Лемка“ на рок 1937. Кромі того выдано также малый кышенковий календарик для дітей и великий календар стінный.

Ціна одного екземпляра выносит 50 грошей

и кошты пересыякы. При замовленю понад 10 календарей кошты пересыякы покрыват администрация „Лемка“, котра дае также оден календар даром.

Доход с малых календариков, котрых ціна выносит 10 грошей, перезначаме на Руску Бурсу в Горлицах.

Редакция.

О добро грядущих поколінь.

Найотвітнійшим и найтяжшим обовязком родичей ест выховати свои діти. Выполнене того обовязку ест барз трудне, бо выховане дітины в ріжном віку вымагат ріжных відомостей и приміненя ся до ріжных его потреб. Іншого приготоуленя и способов выхованя потребуе мала дітина, котра не уміе ище говорити, іншого дітя в віку передшкольном, іншого, коли ходит до школы, а ище іншого доростающий сын ци дочка.

Одним с найважнійших периодов в житю дітины ест так званый час передшкольный. Назвом том обнимат ся час от 2—7 літ. Ест то час великого преображеня не лем тілесного, але также и духового и прото вымагат он великой и старанной опеки со стороны матери. Кромі того на тот час, коли будит ся душа дітины и дітина робит перши крокы в области умственнотого розвою, припадат также повставане и розрост любви для родичей, а е першой мірі, для матери. Никколи в житю дітина не буде належати так неподільно до матери, як имено в том часі и никколи в житю не буде она недавати ся с таким довірем впливам матери и ей наукам. Никколи тыж не буде можна впоити в дітину добрых привычок, добрых житевых основ, котры стают ся, як бы другом натуром. Прото тыж час передшкольный має величезне значене в культуральном розвою дітины. Тому то выховане в том часі вымагат от матери великого посвяченя и стараня о дітину, старанной увагы и обсервации всіх змін, якы проявляють ся в дітині и наконец — великого опанованя и терпеливости в поведеню с дітином и увагы на то, чтобы дітина ани у себе, ани со стороны чужих не была наражена на злый примір.

На селі старанне выховане натрафят на величезны трудности. Перша перешкода — то перетяжене матери роботом в хаті и в поли и недостаток зрозумленя для той основной правды, же для добра будучих поколінь ест доконче потребне уняти матери роботы, жебы она мала больше часу для хати и дітей.

Але не скоро даст ся перевести всі зміны в господарстві, шобы оттяжити матери, а уж ніт и бесіды о том, шобы в часі пильных работ в поли всі находячи ся в хаті не помагали при найважнійших полевых роботах, як при сінокосах, жнивях и т. д. Прото тыж справа выхованя дітей повинна и мусит быти иначе полагоджена. В выхованю нашего народа отограла давнійше велику ролю священники. Их имена сут записаны золотыма буквами в истории выхованя и тоту славу повинни они задержати также и в будучности. Правда, часы ся змінили, школьництво освободило ся с под впливов духовенства, ніт уж дяковских школ, на котры священники мали необмежени впливы, але могут повстати дітскы приюты, основаны с фондов ерекциональных маетков. Праві в каждом селі належат до прихода грунты, котры часто священник отдае в аренду, и без котрых мог бы ся сміло обійти. Часть тых грунтов, продана селянам, даст выстарчаючи фонды на основане в селах дітских приутов, в котрых діти в передшкольном віку нашли бы потребну им опеку и выховане. Приюты такы было бы найлучше заклапати при читальнях им. М. Качковского, котрых головным кличем ест молитва и наука, а то ты два кличи передовсем треба зацепити в дітинячи сердца. При таких приютах нашла бы удержане часть нашей безработной интели-

генции, особенно дівчат, котры покончили учительскы семинары и даремно ждуть на посады. Многы родичи охотно згодят ся давати невеличку сплату за свои діти, если они найдут в приюті присмотр и науку, бо мати, спокойна о свою дітину, потрафит лучше дощильновати господарства и заробит напевно на оплату за науку. А яка користь для самых дітей! Вмісто безпризорно ходити по дорогах и наражати ся на ріжны опасности хвороты и каліцтва, сидят они разом в чистенькой комнатці, оглядають образкы, учат ся молитвы, співу и вершиков, бавят ся весело, а всео того ест так уложене, же дітина, сама не знае коли, наберат розуму и охоты до труда. Ест она при том все чистенька, а одеж ей ціла, бо при забаві пані научит их и гузик пришити и дырку залатати и головку зачесати. Призвычайны в молодости до чистоты и порядку діти останут такыма и втотчас, як доростут и знова лем сама користь с того, бо и в хаті чисто и всео на час и в порядку зроблене.

Зрозуміли тоты користи уж многы селяне и домагають ся помочи в выхованю их дітей. Мы другой помочи не видиме. Прото тыж звертаме ся до Експеленции Апостольского Администратора и до Всечестного Священства прити с материяльным помочом для добра будучих поколінь. Діло выхованя дітей вартат принесеных жертв и тотя жертва належит ся народови.

УВАГА!

До П. Т. Предплатников „Лемка“!

Прошу не высылати нам пренумераты в грошовых сумах, бо от каждого переказа администрация платит 20 гр. почтовой оплаты и часто выпадає так, же остає ей всего 5 грошей с предплаты газеты.

Чом оскаржені в московських процесах до всього ся признають.

Последні процеси ведені в Москві против троцкистам, в котрых оскаржені признавали ся до всього, што лем прокуратор хотіл, интересуют живо публичну опинию Европы, котра приходит до пересвідчення, же ест тото возможно лем при ужитю якихси средств, ослабляющих волю.

Німецькы газеты подають, же в головной мірі причиняют ся до того лікар Аграмов, болгарин, котрого спровадил до Москвы его краян Димитрев. Аграмов має славу знаменитого гипнотизера.

На Лубянци ест Аграмов попри Ежові першом фігуром. Всіх важнійших преступников переслухує он сам и в часі переслухання гипно-

тизує их, т. е. впроваджат их в полсон, в часі котрого можна в каждого человека вмовити тото, што ся хоче. Человек подданный пару раз гипнозі, тратит волю и повтарят безмысленно тото, што ся в него вмоєило.

Другым средством, якого мають уживати при процесах троцкистов, має быти скополямина, вынайдена через одного советского химика. Ест то лік, котрый має тото свойство, же обезсилят мысли, память и волю.

Дійствие скополямини тырват долший час и ей заслугом має быти тот жаль, який высказали оскаржені так в першом, як и другом процесі троцкистов.

— :: —

Господарче собранє в Крыници-Селі.

В понеділок дня 15. т. м. отбыло ся в Крыници Селі собранє, посвячене справам сельской господарки в горах. На собранє тото приїхал воеводскый лісовый инспектор с Кракова, повітовый лісовый инспектор инж. Корчинский и управитель Округного Т-ва Рольного с Нового Санча агроном Климчак.

Воеводскый лісовый инспектор представил собраным стан дерева и лісов в цілой державі, а переходячи до гор, выказал цифрами, же стан лісов в горах маліе в застрашающий способ и же нашим поколінням грозит брак дерева аж и на власны потребности. Нищене лісов приносить также и други величезны шкody. Дождева вода, не задержана на галузях дерев, корнях и лісовых отпадках, стекат скоро с гор и выполокує живнійшу землю, через што с часом, позбавлены дерев горы заміняют ся в невартаючи нич неужиткы. Через брак лісов остуждат ся в горах климат, што также выльват некористно на вроды орного поля. Прото тыж населене гор передовсем мусит дбати о тото, штобы не лем не малілі стан лісов, але также, штобы залісити всякы неужиткы, находячи ся в селі. Референт радит садити в горах в партиях низших модрені и ялицы, а в партиях высших смереку, котры найскорше вырастают и грубіют.

В вывязаной дискуссии заберали голос многы участники собрания, як Павел Палков, Теодор Громосяк, Дмитрий Петрык и инши, котры звернули увагу на нищене лісов и роблене великой шкody через элемент напльвовый, роботничий, котрый в часі безработя заберат селянам огорождения их грунтов, а также вытнати масу молодых деревец в хлопских лісах, штобы их продати на різдвяны свята. Бесідники звертали увагу также на шкody, які выряджают в лісах козы, котрых число множит ся в Крыници с року на рок. Отвѣчаючи на тоты замѣтки референт, а также и инж. Корчинский заявил, же через належитый догляд лісов можна зло выкоренити, бо существующи приписы предвиджуют высокы кары за нищене лісов, а коз в лісах в загалі пасти не можна и то под рыгором кары в высоті 5 злотых за 1 день пасіня козы в лісі.

Собраны признали справу залісіня неужитков за важну и постановили отнести ся до ней прихильно, поручаючи зарядові гмины приготовить проект и плян работ.

В справі поправки пасовиска и поднесения годовлі статку и молочности в селі реферовал управ. О. Т. Р. агроном Климчак. Признаючи ве-

лику вагу залісіню неужитков, референт станул на той точці, же под ліс повинно ся обернути лем тоты фалаткы поля, котры не надають ся ани на поле орне, ани на луку, ани на пасовиска, а всі части грунту, с яких можна мати лучший хосен належит выкористати в том напрямі, в яком буде тото возможно. Референт, ориентиующий ся чудесно в місцевых способах и условиях господарки, выказал, же для Крыници особенно, где ест збыт на молоко, важне ест поднести господарку пашну и лем на тоту господарку звернути цілу свою увагу.

На полянах, обнимающих на крыницком терені пространство около 200 гектаров, отдаленных о яке полторы милі от села, росте планна остра и невеличка травка, звана кустрицом. Тоту травку косят и звозят до хат. Если бы почислити кошт работы и привозу, то перевышит он напевно вартость собраного сіна, тым больше, же кустрица має барз низку кормову вартость, низшу от доброй соломы. Знают о том газдыні, же при кустриці коровы тратят молоко.

А преця при иншой господарці тоты поляны могут дати лучши доходы. В Швайцарии на таких полянах выпасают прекрасны коровы и тоты поляны стали ся фундаментом богатства краю. Также по другой стороні Карпат, в Чехословакии сут тоты поляны выкористаны на пасовиска и приносят добры доходы. Аж и у нас на Гуцульщині на обернених на пасовиска полянах (полонинах) вырастат прекрасна трава, на котрой выпасают много яловника, волов, коров и овец, становячих также основу богатства гуцулов.

Там однак не косят полян, але выпасают на них сток. В початках тоты поляны не представляют великой и пасовисковой вартости, бо поляны сут выявленны, але счасом, коли побудує ся на тых полянах ряд ставн и запровадит ся там кошары, на знавожених полянах счезне безвартостна кустрица, а на ей місци появит ся красна листкова, густа трава, котра даст нам прекрасны доходы.

Штобы захотити людей до зроблення пробы в том напрямі, Округне Т-во Рольне уділит грошевой помочи для тых селян, котры згодят ся замінити свои поляны на пасовиска. Помоч тоту даст О. Т. Р. в формі плянов на будову ставн и хыжок при кошарах, а также в формі части будовельного материялу (цемент, гвозді и т. д.) и цілого урядження шаласов (котлы до кляганя сыра, діжки, прасы и инше).

При конци референт пояснил людям, як

навозит ся горскы пасовиска и представил користи с молочного господарства, особенно в таких місцевостях, котры мають запевненный збыт молока на місци.

В вывязаной дискуссии заберало голос много селян, котры признаючи добры стороны и возможны користи с перемены сінных полян на пасовиска, подносили однак, же нагла перемена ест для многих недоступна, бо на зиму бракне им пашни для прокормления хованого инвентара. Помимо того однак собраны высказали ся, же найдут ся напевно в Крыници и такы господа, котры згодят ся зробиит пробу на пространстві яких 15 до 20 гектаров.

Дискуссия была сильно оживлена, што доказує, же населене заинтересовало ся том важном для горского господарства справом.

Улица гулят.

Под назвом „Улица гуляе“ помістило „Наше Слово“ опис общого собрания товариства „Рідна Школа“. Опис тот подаєме за высше наведеном газетом. На том собраню пановала правдива анархия и беспорядок, бо коли пришло до выбора нового правления, гдеякы „учители“ почали вести правдиву войну за тым, кому повірити ведене той „важної установки“, а передовсем ей касу. Дошло до того, што по пару раз выберали правлене и „голову“ а выбравши якогоси Корінця, лишили ся без головы, бо тот, видячи всю анархию украинского табора зрек ся с „головы“. Таким способом „Рідна Школа“ остала ся в дураках. Крім того вышло на яв, што „паны патриоты“ за последний рок зробили в „Р. Ш.“ долг в высоті 300 тысяч злотых идут путем „Просвіты“, котра тепер має долгу около миллиона злотых, а коли ктоси с делегатов зазначил, што треба уважати на гроши, бо то сут гроши собраны по селах, відомый „патриот“, котрый именно втотчас мал промову, сказал: „хлопы мають гроши и нам потреба лем сильного кулака на них и гроши в нас будут, што то для нас 300 тысяч злотых“.

По тых словах на салі было чути, окрики: „проч со злодіями! Нам не треба культуры! Выберати ище раз! Побеме вас!“ и т. д.

Одним словом „не злы кавалкы“. Паны докотили ся до краю. Што в них значит 300.000 злотых. Преця хлоп має ище, его сильным кулаком и он даст.

А мы смієме сказати. Ба, кобы дал. Хлоп днеска сам примерат от голоду и на ваши „рідні“ кышені, ци школы, в котрых вы учите передовсем свои діти, не даст ани гроша. Бо вы, коли аж и учите в своей „Рідной Школі“ селянску дітину, то за грубом оплатом и выховуєте ю на здрадника своего народа, на слугу чужого империялизма, а то и на такого тыпа, котрый пак кричит: „хлоп має гроши и нам треба лем сильного кулака на него и гроши у нас будут“.

Заяц боял ся ворон.

В одной венгерской місцевости напали на заяца вороны. Заяц почал втікати, але вороны атаквали его сильно. Наконец заяц побіжал в сторону находячих ся на поли людей, глядаючи у них ратунку. Вороны однак не уступали и люды с трудом отогнали их камнями. Через цілый час отганяня ворон, заяц кучнул при ногах людей, боячи ся рушити.

— :: —

Як кормити корови.

Доходи с хову статку могут быти значны, если газда розвяже добре справу рационального кормлення. Не треба при том судити, же рациональне кормлене полягат лем на обильности пашы. Што-ж за користь мал бы газда с обильного кормлення, если буде оно так дороге, же помимо великой выдайности молока, гроши, одержаны с его продажи, треба отда-ти за купно сытных паш. Кормлене лем втот-час ест рациональне, если — с одной стороны коровы достанут пашу, містячу в собі всі кор-мовы складники, а с другой — если кошт кор-млення коровы буде такый, же газді остане я-кыйси зыск за свою роботу и заходы.

Не ест то легка річ. В зависимости от ус-ловий господарства, кошт кормлення може бы-ти низкий, або высокий, а ходит именно о то-то, штобы в каждых условиях вынайти спо-собы дешевого кормлення, при котром ховане коров приносило бы газді зыскы. Найлучше даст ся то пояснити на примірі. Звычайно здае ся нам, же наилучшим кормом ест зер-но. Если даме корові 1 кг. овса, то при тепе-решных цінах коштуе то 17 до 18 грошей при чом корова достала 78 граммов білка, бо только білка містит ся в 1 кг. овса. Если од-нак вмісто 1 кг. овса даме корові мішанку (зробленной ведля припису инж. Тора), скла-даючу ся с 350 граммов макуха, 150 гр. пшенич-ных отруб, 150 гр. ячменных отруб, то буде то коштувати также 17 грошей, але корм тот містит в собі 155 граммов білка (аджек 2 раз больше, як в самом овсі), при чом мішанку таку выкористуе лучше организм коровы, бо сут в ней ріжны складники. Если газда про-дал овес и за гроши, одержаны с продажи, ку-пил мішанку, то кошт кормлення коровы ест тот сам, а кормова вартость 2 раз больша. С

того видно ясно, же кормлене статку овсом ест нераціональне, дороге и мало поживне, а кор-млене мішанком ест рациональне, бо при том самом кошти даеме статку 2 раз больше білка.

Штобы уложити способ належитого кор-млення коров, треба не лем знати, яки пашы маме на господарстві, але также ориентовати ся в кормовой вартости каждого складника мі-шанки и знати, яких складников ест за дуже, а яких бракуе.

Газда звычайно не потрафит того сам зро-бити, бо то требует уж великих фаховых знаний. Штобы однак помочи собі, зачато уж давно в чужих краях, а в остатных часах так-же и у нас закладати т. зв. „кружки контролі обор”. Полягат то на том, же килькох газ-дов, а часом и ціле село, принимают до себе фахмана, агронома, котрый ест ознакомлений со справом кормлення коров, т. зв. контрольо-ра обор, котрый обізджат всі стайні, бадат количество одержованого от каждой коровы молока и в зависимости от того, як также, бер-учи под увагу пашу, котра ест на господар-стві, укладат нормы кормлення так, штобы ста-ток был добре кормлений и штобы кормлене коштувало як найменше.

Выдаток на удержане такого контрольо-ра оплатит ся напевно, бо при меньших выдатках будут коровы лучше кормлены, количество мо-лока увеличит ся, а кромі того коровы добре откормлены, будут мати и вышу вагу и через то их ціна буде также выша.

В прелиминарах громадских и гминных всаджат ся ріжны позыции на освіту фахово-рольничу, можна аджек всадити при бюджеті и тот выдаток, котрый даст селу таку просві-ту, якой село в теперешных тяжких часах най-больше потребуе.

Пасіка при конци зимы.

Под конец зимы ест уж нераз теплійше и в том часі треба звернути сильну увагу на пче-лы, зимуючи в стебниках и в пивницах, ко-трым больше шкодит тепло як зимно. Пчолам оставленным в садах тепло не шкодит, але в стебниках и пивницах, где зимуют пчолы, тем-пература повинна стало быти около 4° Цель-зия и николи не перекрочити 5°, або падати ниже нуля. Если пчолы зачинают сильно бр-еніти в улиях — ест то знак, же мают за го-рячо. В таких случаях треба вітрити стебник, отвораючи вечером наостіж двери и отворы в повалі и замыкаючи их аж рано. Гдеякы пасі-чніки остужают стебник так, же вносят до стебника лед. Не ест то добрый способ, бо от таючого леду в стебнику появят ся вохкость.

Конец лютого и початок марта, то найкры-тычнійший час в цілорочной господарці пасі-чніка. В том часі гине найбільше пчол не лем от горяча в стебниках, але и от вычерпання зимовых припасов меду. Дбалый пасічник за-осмотрил уміло свои пчолы в припасы меду ище в осени, але початкуючи пасічники могли не дати пчолам потребного корму на зиму. Ци котрый улий не терпит голоду, наилучше ест переконати ся о том, стукаючи в поодыногы улии. Если пчолы забренят сильно, ест то знак, же в улию ест все в порядку, если выдадут шелестячий протяжный голос, часто урываний, то напевно в улию чогоси бракуе. Таки улии треба ратовати.

—:—

О обнижене ціны сірников.

В najbliżшом часі Министерство Финан-сов закончит переговоры с Монополюм сірни-ков в справі обниженя ціны сірников. Перего-воры в той справі веде ся уж от долшого часу, при чом Министерство хоче прийняти на себе часть обниженя ціны и обв'язуе ся обнижи-ти оплату за аренду.

Стремлене до обниженя ціны сірников ест диктоване тым, же консумция сірников силь-но змаліла. В р. 1935. продано лем 50 процент того, што продано в р. 1928., в котром то році продано 147 тысяч скринь, в каждой по 5 ты-сяч пуделок.

В р. 1936. помимо, же загальне положене господарче выказуе поправу, сірников прода-но ище о 4 процент меньше як в р. 1935.

Сірники належат до артыкулов першой потреби и тому упадок их консумции стае ся в часі загального господарчого оживлення не-нормальным явленем.

Мин. Финс. ест того мніня, же поднести консумцию сірников можна лем через обниже-не их ціны о 2—3 грошей на пуделку.

—:—

В отвіт Ваньови Стеранці.

В ч. 6. „Землі и Волі” появила ся замітка Ваня Стеранки, в котрой он порушат многы актуальны и потребны справы. С замітки той видно однак, же Ваньо Стеранка або не знае, яком организациом ест Лемко-Союз и яки о-бовязкы прийняв он на себе, або повтарят слі-по то, што росповідает о Лемко-Союзі укра-инцы и што повтаряют за нима гдеякы несо-знательны одыниці.

Для освідомлення всіх тых подаеме, же Лемко-Союз не ест организациом политич-ном, а товариством просвітительно-економич-ным и его головна ціль ест старати ся подне-сти господарчо Лемковщину. До той ціли стре-мит Лемко-Союз через поміщане в „Лемку” артыкулов с области рольного господарства, скотоводства, садоводства, пасічництва и мо-лочного господарства. Кромі того при помочи Лемко-Союза уряджено цілий ряд господар-чих курсов, як курсы выправы овецких скор, трыкотарства, фарбарства, вареня, шитя, ого-родництва, плеканя ярин и т. д. В „Лемку” заохочат Лемко-Союз до закладаня всякого рода кооператывов и до економичной органи-зации. Таким способом Лемко-Союз по своим силам выполнят одну часть прийнятых на себе обовязков.

В части другой т. е. просвітительной Лем-ко-Союз накликуе людей до закладаня чи-талень им. М. Качковского и сам помагат за-кладати тоты читальні. Члены Лемко-Союза принимают живу участь в народном житю Лем-ковщины, іздят на открыта и общи собрания читалень, талергофскы свята и уряджают по се-лах отчиты и рефераты на господарчи темы. Лемко-Союз урядил также два курсы хораль-ного співу и дырыгентов. Кромі того Лемко-Союз старат ся о запомогы для существующой бурсы в Горлицах, а тым самым и о то, же-бы (о чом пише В. Стеранка) мали мы свою интеллигенцию. Без той запомогы Руска Бурса в Горлицах, не лем не потрафила бы удержа-ти 42 учеников, але може и не могла бы со-всем существовати, бо по выграню процесу ма-еток бурсы был сильно задолженный, а дом так знищенный, же треба было его отбодовати. И в справі бурсы в Новом Санчі Лемко-Союз штоси зробил, бо дал на кошты процесу около 200 золотых кромі жертв, яки дали от себе члены Лемко-Союза, а же процес тот програ-но, то уж не вина Лемко-Союза.

Пише Ваньо Стеранка, жебы патриоты в Сяноці постарали ся о бурсу, а он сам што? Не патриота? Тат с писма видно, же патрио-та и то великий, чом же ся о то не старат?! А Лемко-Союз, хоц нич не вартат, так долго ходил и старал ся о тоту справу, аж му на-конец прирекли позволити на заложене бур-сы в Сяноці. А треба знати, же была то спра-ва тяжка, бо штобы бурсу заложити, мусят ся на то згодити школьны власти, котры по-чатково ани чути о том не хотіли.

Кромі того пропагуе „Лемко” закладане дітєкых приютов и его члены фигуруют в спи-сах всіх жертводателей на народны ціли, а в тых списках назвиска Ваня Стеранки ніт. А хочачи штоси зробити и добити ся дачого, тре-ба передовсем рушити кышеньом, бо с поро-жного и Ваньо Стеранка не наліе.

Жена предвиділа.

— Як бы не моя стара, был бы мя вчера окрал злодія.

— А што, елапила злодія?

— Е ні, але уж передом забрала мі вшит-

Що чути в світі.

Рим: По случаю 15-літної рочниці коронації Пия XI, італійський король переслал Папі Римському депешу с гратуляціями. На депешу тоту Папа отвітил и на телеграмі виписал адрес: Виктор Имануил, король Італії и цисар Абисинії.

Тот факт вызвал велику радість в Італії, бо через виписане такою адресу Папа признал королеви титул цисара Абисинії, а тым самым дал згоду на анексію Абисинії.

Льондон: Англицькі газети доносят, же Ягода, бывший комисар внутренних діл и управитель совітської політичної поліції (Г. П. У.) ест арестованный за занедбане средств, котры могли запобічи всім заговорам троцкистов. Газеты подають, же правдива причина ареста Ягоды ест инша, а именно тот, же Сталин боял ся, же Г. П. У. набере в совітах такою силы, же може станути понад правительством. Хотячи Г. П. У. ослабити, Сталин станул против чекистам и их вождови. Ягоді, до рішительной борбы и приказал арестовати Ягоду. (Ягода ест жидом).

Відень: В політичних кругах появляють знова вісти о том, же Отто Габсбург верне на австрійський престол. В Австрії сут тепер два сильны сторонництва, одно — то сторонники Гитлера и злученя ся Австрії с Німеччином, котры по договорі заключеном дня 11. липня м. р. меже Німеччином и Австриом приберают на силі, друге — то сторонники независимости Австрії. Тоты остатны сут монархистами и штобы не допустити до злученя ся Австрії с Німеччином, хотят осадити на престолі Габсбурга. Але в той справі мали бы слово также и инши державы и тому справа ся влече.

Рим: Одна с ватыканских газет подає, же в Іспанії было перед войном 60 епископов, 33.500 священников и 20.640 монахов. Нова статистыка выказує, же в часі войны убито 11 епископов и 40 до 50 процент священников. В девятих дієцезіях число убитых священников выносит 60 процент, а в Малазі 90%.

В 23 дієцезіях знищено праві всі костелы и монастыры. Числа убитых монаховьн статистыка не подає.

Токио: Нове правительство Японії представило парламентови програм, в котром подвысшат ся податкы. Податкы тоты сут перезначены на народову оборону. Крім того предвиджує ся росписане на тоту саму ціль внутренной пожичкы. Курс єна має быти удержанный.

Токио: В Японії, в провинції Івате, упали величезны снігы. Сніжна буря вывернула 20 хат и 2 школьны будынкы. 55-єро люда стратило жите. На штреці Гоккайдо ударил поїзд на людей, отшмаряючих сніг, убил 5-ох роботников и пару тяжко поранил.

Севиля: Вокруг Мадрыта идут дальше жестоки бои. Повстанцы подають, же в недалгом часі окружат Мадрыт со всіх сторон. Мадрытске правительство доносит, же єго войска отбивают всі атаки повстанцов и наносят им значны убыткы.

Парыж: Французскы газеты подають, же Навашина убили агенты Москвы, бо сподівали ся найти у него важны документи. Ище перед пару роками заложено в Москві за порадом Навашина масонску ложу „Сіверная Звезда”

до котрой належал также Радек. Радек потом переслал Навашину компромируючи Сталина документи и сказал на суді, же в случаю єго смерти тоты документи будут опубликованы. Радка не засуджено на кару смерти, але Ёжов выдал приказ отнайти документи. Агенты Г. П. У. донесли, же документи находят ся у Навашина и тому Навашина убито. Однак okazało ся, же у Навашина тых документов не найдено. Где они ся находят — не знати. Французской поліції не удало ся зловити убийцы Навашина.

Вісти с краю.

Варшава: На засіданю комісії сеймовой пос. Гуттен Чапський занял ся справом запальничкы. Ведля єго обчислень в Польщі ест вужито 2,650.000 запальничок, а с того числа лем 169 ест остемпльованых. Чапський, глядячи причин, подає два поводы неперестеріганя приписов, а именно занадто високу оплату и бюрократизм и твердит, же если обнижит ся оплату до 1—2 зл. от штуку, то напевно люди дали бы остемпльовати запальничкы, а Скарб державы мал бы незлый доход.

Краков: Знанный с процесу о отруте жены и двоє дітей властитель фабрыкы с Сосновца Павел Гржешольський отрул ся в готелю в Кракові. Причином отрутя было тот, же касаційный суд в Варшаві уневажнил вырок верховного суда (верх. суд перед пару місяцями признал Гржешольского невинным и приказал єго с ареста выпустити) и дал приказ поновного ареста Гржешольского. На вість о приказі ареста, Гржешольський замкнул ся разом с женом в комнаті готелю и обоє зажили трукту. Служба, здивована тым, же Гржешольський не выходит с комнаты, почала пукати до комнаты, а коли и тот не помогло, выважила двери и нашла на подлозі жену Гржешольского, котра давала ище слабы признакы жита и на постели неживого Гржешольского. Гржешольський оставил листы до суду и до своего адвоката, в котрых пише, же умерат, **бо ест невинный** и не може уж стерпіти той нагонкы, яку от трох літ направлено против него. Жену Гржешольского забрано до шпиталю, где удало ся ю выратовати. Убийство Гржешольского выкликало в Кракові и Сосновці зрозуміле взоружене.

Косов: Недалеко Косова на Гуцульщині отбыло ся открыте нового шибу нафтового „Гуцул”, належачого до фирмы „Пионер”.

Варшава: От 1. до 21. сїчня т. р. (от того часу не вольно вывозити зерна с краю) вывезено с Польщи 96,2 тысяч тон зерна за 17,7 миллионов злотых, в том жита 31,9 тыс. тон за 6 мил. зл.

Загалом от 1. сєрпня 1936. р. вывезено с Польщи 172 тысяч тон жита, переважно до Финляндии и Норвегии. Ячмень вывожено переважно до Швайцарии, овес до Бельгии, Італії и Франції.

Катовицы: В сєреду над раном около год. 5-ой отчуту на Шлеску 5-є с ряду землетрясєне в продолженю остатных 10 дней. Тым разом трясєне было сильне и продолжало ся пару секунд. Отчуту єго в Катовицах, Мысловицах, Гайдуках и т. д. Сила землетрясєня была так велика, же многы побудили ся со сну. В гдєяких домах зарысовали ся єтіны в домах. В копальнях землетрясєне не вырядило никакой шкody. Трудно ест усталити, где находит ся центр тых потрясєнь. В горных кругах предполагають, же земля дыржит от того, же по выбраню угля в копальнях, версты пісового каменя тріскають и от того трясє ся земля.

Варшава: В часі дебати в сеймі над бюджетом мин. правосудия, бесідовано также о процесі Ванды Парылевич и Добошинского. В справах тых заявил вице-министер Сечковский, же справа Ванды Парылевич находит ся ище в слідстві. Акт оскарженя с огляду на великий материал, обнимающий около 30 томов, буде готовый в квітні. В справі Добошинского слідєво ест уж окончєне и акта находят ся в Прокуратурии Окр. Суда в Кракові.

Ковель: В Голобах коло Ковля захворіла на грипу 19-літна Г. Гарасимович. Муж забрал ю до міста. В дорозі хвора ослабла совсем и умерла в вагоні поїзда. Тіло єй перевезено до цментарной каплицы в Ковлю. Коли на другой день открыто віко трумны, собранных ударил дивный выгяд. Жена мала румяны лица, а на приложеном до уст зеркальци появила ся роса отдыха. Стало ясне, же хвора находит ся в летаргу. Заряджено обсервацию и поставлено постерунок поліції. Але на другой день лице єй носило всі признакы смерти, в виду чого удержує ся переконанє, же хвора замерзла в каплиці.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасєкурує ся
в асєкураційном Товаристві

ВИТА И КРАКОВСКЕ

во Львові

Асєкурацію приймають на цілої Лємковщині
представителі: гг. Осиф Ямовицкий — Крыница - Сєло
и Михаил Перелом — Сянок.